




1加3
1203
13





門 1 加  
籍 1203  
卷 13





喻林一葉卷十四

江陰 王蘇儕嶠刪纂

君道門

用賢

功在造父

鹽鐵論利議驥舉之在伯樂其功在造父

鑄金爲人

徐幹中論若欲備百僚之名而不問道德之實



則莫若鑄金爲人而列于朝也

治天下若委裘

選註任彥昇薦士表晏子曰治天下若委裘用  
賢委裘之實桓公聽管仲而趙襄子信王登此  
之謂委裘然

蒼鷹厲爪翼

初學記鳥部鷹註傅元長歌行蒼鷹厲爪翼恥  
與燕雀游

辨才

良玉未剖

周書蘇綽傳良玉未剖與瓦石相類名驥未馳  
與駑相雜

勾粵之簞

亢倉子全道勾粵之簞鏃以精金鷲隼爲之羽  
以之楛箠則其與槁樸也無擇○蜚景之劍威  
奪白日氣盛紫蜺以之割獲則其與劒刃也無



擇

郁樸無程

論衡量知篇物實中無核者謂之郁無刀斧之斷者謂之樸文吏不學世之教無核也郁樸之人孰與程哉

望見驥足

論衡效力篇望見驥足不異于衆馬之蹄

瓊艘瑤楫

抱朴博喻瓊艘瑤楫無涉川之用金弧玉弦無激矢之能

摩尼不宵朗

抱朴廣譬摩尼不宵朗則無別于磧礫化鯤不凌霄則靡殊于桃虫

不用干將

劉子大質不用干將奚以知其銳也不引烏號奚以知其勁也



知人

見清知濁

越絕外傳紀策攷見清知濁見曲知直人君選士各象其德

秦穆公觀鹽

說苑臣術秦穆公觀鹽見百里奚牛肥曰任重道遠以險何其肥也對曰臣飲食以時

瞻山識璞

抱朴行品瞻山識璞臨川知珠

公輸刻鳳

劉子知人公輸之刻鳳也冠距未成翠羽未樹人見其身者謂之鳩鷄見其首者名曰鴈鷄皆訾其醜而笑其拙及鳳之成○然後贊其奇而稱其巧

得人

剗舟剗楫



後漢書郎顛列傳剡舟剡楫將欲濟江海也聘  
賢選佐將以安天下也昔唐堯在上羣龍為用  
文武創德周召作輔

鑿石索玉

蜀志秦宓傳甫欲鑿石索玉剖蚌求珠今乃隋  
和炳然有如皎日

皎皎瑚器

晉書高光傳皎皎瑚器來光玉繩

恢耀和肆

宋書隱逸周續之傳恢耀和肆必在兼城之寶

霸王船驥

呂氏春秋知度絕江者託于船致遠者託于驥  
霸王者託于賢伊尹呂尚管夷吾百里奚此霸  
王者之船驥也

智如泉源

韓詩外傳智如泉源行可以為表儀者人師也



智可以砥行可以為輔弼者人友也

鳳凰在左

易林訟之咸鳳凰在左麒麟處右仁聖相遇伊

呂集聚

柏桂棟梁

易林比之旅柏桂棟梁相輔為強

阿衡服箱

易林恒之復阿衡服箱太乙載行

千里駢駒

易林晉之遯千里駢駒為王服車嘉其驪榮君子有成

金榦玉楨

太元經第四廓金榦玉楨蕃輔正也

黃心鴻翼

太元經第五翕黃心鴻翼利得輔也

將飛得羽



太元經第六將將飛得羽其輔強也

金馬不可以追速

潛夫論思賢金馬不可以追速土舟不可以涉

水

鳴鸞在衡

陸士衡盛德頌鳴鸞在衡奔驥服輅良平鳳栖

信布虎據

秉杷執篲

太平御覽器物部杷杻周生烈子曰夫忠審國  
之杷杻正人國之掃篲也秉杷執篲除凶掃穢  
國之福主之利也

光武御虎

孫綽子曰高祖御龍光武御虎

任人

教人治玉

趙氏註孟教人治玉不得其道



御四馬者執六轡

家語執轡御四馬者執六轡御天下者正六官

山月升騰

三墳形墳山月升騰聖人以命相統治

嵩岱配極

宋書武帝中本紀嵩岱配極則乾道增輝藩嶽  
作屏則帝王成務

鼎不單足

魏書安同子原傳聖不獨明而治鼎不單足而  
立

三階在天

周書蘇綽傳惟時三事若三階之在天惟茲四  
輔若四時之成歲

天道不言

隋書元壽傳天道不言功成四序聖王垂拱任  
在百司



飛鴻有羽翼

管子霸形寡人之有仲父也猶飛鴻之有羽翼也

與驥逐走

文子上仁與驥逐走卽人不勝驥託于車上卽驥不勝人

仁人居左

鶡冠子道端先王置士也舉賢用能無阿于世

仁人居左忠臣居前義臣居右聖人居後左法仁則春生殖前法忠則夏功立右法義則秋成熟後法聖則冬閉藏

一曰長目

鬼谷子符言一曰長目二曰飛耳三曰樹明

臨淵而搖木

韓非子外儲說右臨淵而搖木鳥驚而高魚恐而下



被篲日用

呂氏春秋勿躬被篲日用而不藏于篲

食棘之棗

呂氏春秋分職棗棘之有裘狐之有食棘之棗  
衣狐之皮先王固用非其有而已有之

據除窺井

淮南主術訓據除而窺井雖達視猶不能見其  
睛

大絃必緩

淮南詮言訓譬如張琴小絃雖急大絃必緩  
若燧取火

淮南說林訓凡用人之道若以燧取火疏之則  
不得數之則不中正在疏數之間

藍青地黃

韓詩外傳藍有青而絲假之青于藍地有黃而  
絲假之黃于地藍青地黃猶可假也



雷當託雲

前漢書註楚元王傳雷當託雲猶君之託臣也

輜車運在輪

選註任彥昇讓吏部表張載贈棗子琰詩輜車  
運在輪飛骨須六翮

通壤引川

文選任彥升薦士表通壤引川則溺者安  
良匠度其材

班固連珠良匠度其材而成大厦

鸞鳳養六翮

班固連珠鸞鳳養六翮以凌雲

一目視

意林太公金匱一目視則不明一耳聽則不聰  
一足步則不行

堯分四岳

庾信藩王讓官表堯分四岳是以望秩山川舜



命九官是以光華日月

鳳有翼

初學記帝王部傅元樂府雜歌詩鳳有翼龍有鱗君不獨興必有良臣

舜駕五龍

太平御覽皇王部帝舜有虞氏列子舜嘗駕五龍以騰唐衢武嘗服九駿以馳文塗此上御也

漢祖驂三龍

玉海官制人物新言曰漢祖驂三龍而乘雲路振長策而驅天下

器使

八能之士

後漢書志禮儀中註聖人之作樂不可以自娛也所以觀得失之效者也故聖人不取備于一人必從八能之士故撞鐘者當知鐘擊鼓者當知鼓吹管者當知管吹竽者當知竽擊磬者當



知磬鼓琴者當知琴

稻不爲齋

晉書袁甫傳譬繪中之好莫過錦錦不可以爲  
帟穀中之美莫過稻不可以爲齋

鳧鶴從方

宋書孔顛傳鳧鶴從方所憂去矣

奔蜂不能化藿蠋

莊子庚桑楚奔蜂不能化藿蠋荆雞不能伏鵠

卯

漆者不畫

淮南主術訓故古之爲車也漆者不畫鑿者不  
斲工無二技

劍戟不長於縫緝

抱朴務正劍戟不長于縫緝錐鑽不可以擊斷  
牛馬不能吠守雞犬不任駕乘

瓊珉山積



抱朴博喻瓊珉山積不能無挾瑕之器鄧林千里不能無偏枯之木

裘不及蓑

劉子適才處繡戶洞房則蓑不如裘被雪沐雨則裘不及蓑

繩墨取木

意林呂氏春秋以繩墨取木則宮室不成  
擇任

為室慎楹

大戴禮記武王踐阼註為室者慎其楹君天下者難其相也

裁衣擇工

鶡冠子天則裁衣而知擇其工裁國而知索其人

馬以譬正

公孫龍子通變論註馬以譬正雞以喻亂



以勢爲馬

韓非難勢以國位爲車以勢爲馬以號令爲轡以刑罰爲鞭策

杖聖者帝

陸子輔政杖聖者帝杖賢者王杖仁者霸杖義者強

人材有四選

春秋繁露人之材固有四選如天時固有四變

也聖人爲一選君子爲一選善人爲一選正人爲一選由此而下者不足選也

駑驥同轅

孔叢子對魏王駑驥同轅伯樂爲之咨嗟

咫尺驂駒

新序雜事五未有咫尺驂駒而能服重致遠者也

使燕築室



易林損之隨使燕築室身無庇宿

蓬蒿代柱

易林觀之需蓬蒿代柱大屋顛仆

龍舟整楫

意林物理論龍舟整楫王良不能執也驥騶齊行越人不能御也

虎能雄猛

太平御覽獸部麀秦子曰虎能雄猛不可以託

麀鷹能飄擊不可以託鷦

蔗不可杖

太平御覽果部甘蔗馮衍杖銘杖必取材不必用味相必取賢不必所愛都蔗雖甘猶不可杖君子重襲

困學紀聞卷三詩賈誼書容經篇諺云君子重襲小人無由入正人十倍邪辟無由來

上工平氣



黃帝素問上工平氣中工亂脈下工絕氣

專任

服牛驂驥

國策魏哀王公孫衍爲魏將與其相田需不善季子爲衍謂梁王曰獨不見夫服牛驂驥乎不可以行百步

王良操左革

韓非外儲說右王良造父天下之善御者也然而使王良操左革而咤叱使造父操右革而鞭笞之馬不能行十里共故也

田連鼓上

韓非外儲說右田連成竅天下善鼓琴者也然而田連鼓上成竅楫下而不能成曲亦共故也

燭奸

一雀過

韓非難三宋人語曰一雀過羿必得之則羿誣



矣以天下為之羅則雀不失矣

取善

壤非壤不高

汲冢周書文倣解非本非標非微非輝壤非壤  
不高水非水不流嗚呼敬之哉倍本者槁

破石拔玉

論衡累害篇夫采玉者破石拔玉選士者棄惡  
取善

關雎興於鳥

劉子適才關雎興於鳥而為風之首美其摯而  
有別也鹿鳴興於獸而為雅之端嘉其得食而  
自呼也

兼收

披榛采蘭

晉書皇甫謐傳陛下披榛采蘭并收蒿艾是以  
臯陶振褐不仁者遠



元天高朗

魏書張彝傳元天高朗尚假列星以助明洞庭  
淵湛猶藉衆流以增大

海不辭水

管子形勢解海不辭水故能成其大山不辭土  
故能成其高

湯沐益河

淮南說林訓湯沐之於河有益不多流潦注海

雖不能益有愈於已

山林不讓椒桂

鹽鐵論刺議山林不讓椒桂以成其崇君子不  
辭負薪之言以廣其名

藥言獻貴

說苑君道藥食先嘗于卑然後至于貴藥言先  
獻于貴然後聞于卑

大匠無棄材



曹子建當欲遊南山行大匠無棄材船車不用均

四聰廣闢

抱朴博喻四聰廣闢則羲和納景萬仞虛已則行潦交赴

目高耳下

楊子法言註問明篇目高則無所不照耳下則無所不聞

大造乾坤闢

初學記職官部韋承慶中書省詩大造乾坤闢深恩雨露垂鷗鵬既含養駑駘亦驅馳

水不厭雲

大寶積經水不厭于雲海不厭于水

責實

考試猶準繩

魏志王昶傳考試猶準繩也



因國以為身

春秋繁露保位權因國以為身因臣以為心以臣言為聲以臣事為形

覽影偶質

文選陸機演連珠覽影偶質不能解獨指迹慕遠無救于遲

酬功

慮為功首

魏志荀彧傳註慮為功首謀為賞本

叔向賦獵

韓非外儲說左叔向賦獵功多者受多功少者受少

馭臣

五寸為巧

韓非外儲說左有常儀的則羿蒙以五寸為巧無常儀的則以妄發而中秋毫為拙



造父御四馬

韓非外儲說右造父御四馬○然馬驚于出苑  
○王子於期為駙駕○然馬過于圃池而駙馬  
敗

騏驥易乘

武侯十六策陰察騏驥易乘駑駘難習

履冰負重

選註沈休文餞呂僧珍詩鄧析子曰明君之御

人若履冰而負重

敬臣

履係解

晉文春秋鳳陵履解晉文公與楚戰至黃鳳之  
陵履係解因自結之左右曰不可以使人乎公  
曰○寡人雖不肖先君之人皆在是以難之也  
公輸愛其斧

班固連珠公輸愛其斧故能妙其巧明主貴其



士故能成其治

體臣

手臂之用

周書李賢弟遠傳孤之有卿若身體之有手臂  
之用豈可暫輟于身

去讒

三五之門

國語晉且夫口三五之門也是以讒口之亂不

過三五

積羽沈舟

史記張儀傳積羽沈舟羣輕折軸

遠邪

犀銚利鉏

鹽鐵論申韓犀銚利鉏五穀之利而閒草之害  
也

披雲看霄



陸機演連珠披雲看霄則天文清澄風觀水則  
川流平

蒺藜在田

意林鄒子蒺藜在田良苗無所措其根

桂下無雜木

呂氏春秋云桂枝之下無雜木蓋桂味辛熱故  
也

喻林一葉卷十四



